

Noticia
Transparente
di Gobierno

ISLA ONLINE

Diabierna 13 September 2024

Email: IslaOnline@gobierno.aw Tel: 528-4952

ARTE DI MURAYA SAN NICOLAS



**STABILIDAD
Y
PROSPERIDAD**

2 0 2 4



Gabinete Wever-Croes



Nos Gobierno semper a trata sindicatonan cu respet pasobra nan ta representa nos empleadonan publico

PROME MINISTER A REUNI CU SADA RIBA E TEMA DI COMBINA TRABOU DI SINDICATO CU ESUN DI ADUANA

Gobierno ta trahando hunto cu sindicatonan riba un maneho uniforme

Diahuebs ultimo dia 12 di september Prome Minister Evelyn Wever-Croes a reuni cu sindicato di Aduana, SADA. Ya pa algun tempo Gobierno ta trahando riba un maneho uniforme pa cu e sindicatonan cu ta representa empleadonan publico.

Na e momento aki Gobierno no tin un maneho uniforme cu tur sindicato. Por ehempel tin algun sindicato ta haya mas dia liber cu un otro pa atende trabounan di sindicato. Gobierno ta trahando actualmente riba un maneho uniforme pa por duna cada un e mesun derecho, dependiendo con grandi e grupo di miembro ta cu nan ta representa. Asina cada sindicato lo haya un cierto cantidad di dia aloca pa trabounan di sindicato.

Prome Minister ta indica cu ta importante pa den cuadro di e preparacion di e maneho por scucha opinion di cada sindicato pa cual motibo a tene e reunion diahuebs cu SADA pa asina scucha nan punto di bista y dialoga riba e ehecucion di nan trabou ta como sindicato.

“Gabinete Wever-Croes I y II semper a pone hopi atencion na e relacion cu sindicatonan y nos ta trata sindicatonan semper cu respet pasobra nan ta representa nos empleadonan publico. E respet ta mutuo y ta asina so ta logra traha na bienestar di e empleadonan. Ta importante pa nos como Gobierno percura pa tur sindicato por eherce nan trabou di sindicato.

Nos como Gobierno ta reconoce cu e trabou di sindicato ta importante y lo percura pa tur sindicato por eherce nan trabou corectamente. A trata di un bon reunion. Nos meta ta pa pronto keda cla cu e maneho total pa asina tur sindicato



cu ta representa empleadonan publico por representa nan miembronan na e miho manera posibel”, Prome Minister a expresa. ■




MINISTER MADURO DI CULTURA TA INVITA PUEBLO PA PASA ADMIRA E MONUMENTONAN DEN PLAYA RIBA DIA DI MONUMENTO

Diadomingo awo ta Dia di Monumento y pa e ocasion aki Monumenten Fonds Aruba ta habri porta di 13 monumento den Playa pa asina nos tur por haya sa mas di e historia cu cada un ta conta nos.

Pa nos muchanan tin un paspoort special pa asina haya stempel na cada monumento cu ta duna chens despues pa participa pa gana premio. Nos ta cuminsa 10 or na e Casita Geel na Weststraat 15.

Tur hende ta bon bini di 10 or pa 3 or pa admira e monumentonan y di 3 or pa 5 or por disfruta di e dushi ambiente final na Postkantoor na unda lo saca premio den ambiente di Tsunami.

Pa mas informcion mira e FB di Stichting Monumenten Fonds Aruba y www.openmonumentendag.nl.





**Explora
Monumentonan di
Oranjestad**

www.openmonumentendag.nl

Dia 15 di september





**OPEN
MONUMENTENDAG
ARUBA**



CLOSING EVENT

Di 15:00 pa 17:00

Parkeerplaats di Postkantoor

Celebra e final di Open Monumentendag cu musica di TSUNAMI, durante e closing event caminda lo entrega e premionan pa tur e participantenan na e actividadnan di Open Monumentendag 2024.



TSUNAMI



DI DOS SESION INFORMATIVO PA EKIPO DI BRANDWEER UN EXITO ROTUNDO

Recientemente, Minister di Husticia y Asuntonan Social sr. Rocco Tjon tawata presente na e di dos sesion di informacion pa Brandweer, caminda a brinda diferente tipo di informacion na un sala yen di miembronan di e ekipo dinamico aki.

Manera ta conoci, for di inicio di Gabinete Wever-Croes II, a inverti hopi pa loke ta trata material, truck, como tambe infraestructura. Asina por bisa cu, a renoba e post di Brandweer na San Nicolas esta Post Sierra, e destaho pa post Oscar, cual ta situa na Aeropuerto ta andando, caminda a aloca cinco miyon florin pa henter e renobacion aki. Alabes, a cumpra cuater truck nobo como tambe tur e materialnan cu e Bomberonan tin mester pa nan por eherce nan trabou na un manera mas sigur.

Banda di esaki, minister Tjon a elabora riba e importancia di percura pa e mehoracionnan desea den e organisacion tambe wordo ehecuta. Pa logra cumpli cu esaki, conseho di minister a tuma e decision pa recluta señor Mark van Akken, pa un periodo di tres luna. Sr. van Akken, den combersacion cu sindicato y tur e Bomberonan, a scribi un plan di mehoracion cu ta enfoca riba tur aspecto, entre otro personal, infraestructura, material, funcionnan cu mester wordo yena lo mas lihe cu ta posibel pa por cumpli cu tur norma y reglanan. Tambe, a percura pa bin cu un comandante nobo, esta sr. Johannes de Haas, pa e dos añanan nos dilanti pa e por ehecuta e plan di mehoracion cu a wordo presenta.

Por ultimo, e mandatario a expresa cu e ta sumamente satisfecho di e feedback cu a ricibi for di e ekipo di Bomberonan,



kende tambe ta contribui cu nan ideanan pa asina percura cu e plan di mehoracion wordo adapta consecuentemente. E fondonan necesario ya caba a wordo aloca pa asina por ehecuta e prome puntonan di e plan di mehoracion aki.



PABIEN NA E BARIO DI SAN NICOLAS CU E BUNITA PROYECTO NA RODGER'S BEACH



Diaranson anochi, a tuma luga ceremonia oficial di “groundbreaking” di e proyecto di embeyecemento di Rodger’s Beach. Minister Endy Croes hunto cu colega Minister Evelyn Wever-Croes, Minister Dangui Oduber, Minister Xiomara Maduro, miembronan di Parlamento di Aruba y demas invitado special tabata presente na e ocasion aki. CEO di ATA Sra. Ronella Croes tambe a hiba palabra e anochi aki.

“Nos a ricibi bunita presentacion di e proyecto y mi kier a felicita colega Minister Dangui Oduber cu su vision. Palabra di pabien na su ekipo y ATA cu a haci tur esfuerso pa inverti den e proyecto aki” e mandatario di Enseñansa y Deporte a subraya. Tambe ta gradici e ministernan cu a duna nan aporte y bendicion pa por realisa e proyecto aki. Esaki ta forma parti integral di e masterplan di Seroe Colorado. Ta kita e asfalt y lo duna naturalesa bek su luga y asina crea mas espacio riba beach pa nos hendenan por recrea.

Nos ta papia di un inversion di alrededor di 3.6 miyon florin. “Pabien na Gabinete Wever – Croes II, ATA y tur stakeholder cu e bunita proyecto aki”, Minister Endy Croes a conclui.





CURSONAN DI ENSEÑANSA PA EMPLEO SAN NICOLAS A CUMINSA



10 di september 2024 cursonan na e cede nobo di Enseñansa pa Empleo na San Nicolas a cuminsa. E proyecto cu Minister di Labor, Energia y Integracion a priminti na november 2023 awe ta un realidad. EPE San Nicolas ta ofrece cursonan tecnico specialmente diseña pa expertonan pa satisface e necesidadnan cu ta surgi cu e desaroyo di San Nicolas.

E aceptacion di e cursonan a supera e expectativanan, lo cual a haci cu mester a habri mas cupo di locual cu a planea inicialmente y a pesar di e percepcion cu e cursonan aki lo ta dirigi riba e hende homber so, tambe a haya hende muhe cu a inscribi y ta participando activamente den e cursonan aki. Esaki ta refleha e necesidad cu tin den pueblo pa prepara nan mes pa por tin un mas amplio oportunidad di trabou.

Cursonan cu ta ofrece na San Nicolas ta:

- Welderdo A
- Handyman nivel 1
- Introduccion na Electra



Minister Glenbert Croes tabata presente y a gradici un biaha mas tur e team cu a forma parti di e proyecto aki y a felicita tur estudiante pa haci bon probecho di e oportunidad aki pa amplia nan conocimiento y prepara nan mes pa un miho futuro. Pa mas informacion vishita www.epearuba.com

Despues di dos aña di proceso


SALARIO MINIMO PA ORA TA APROBA

Un aumento significativo pa tur trahado

Minister di Labor Sr. Glenbert Croes ta anuncia cu hopi orguyo cu despues di dos aña di trayectoria, Consejo di Minister di Gobierno di Aruba a aproba salario mínimo pa ora. Un aumento cu lo beneficia significativamente tur trahado aki na Aruba. E cambio aki ta resultado di hopi analisis y investigacion cu a inicia na 2022 y ta drenta na vigor 1 di januari 2025. Salario minimo pa ora ta representa progreso importante pa un salario mas husto.

Te cu dia di awe, tur trahado tabata cobra e mes un salario independientemente di cuanto ora pa siman nan traha. Pero awo, cu e implementacion di e salario minimo pa ora, esaki ta bay garantiza un aumento substancial, mehorando directamente e condicionnan laboral. Cuminsando 1 di januari 2025, tur trahado cu ta traha 40 ora pa siman lo haya un aumento di Afl 20.85 kedando cu un salario mensual di AWG 2007.05 compara cu AWG 1986.20. E trahado cu ta traha 45 ora pa siman lo ricibi un aumento di AWG 271.73 kedando cu un salario mensual di Afl 2257.93 compara cu AWG 1986.20: Minimumloon (A.B. 1989 No. GT.26), Directie Arbeid & Onderzoek

“Esaki ta un hecho importante pa e husticia laboral pa nos trahadonan. E aprobacion di e salario mínimo pa ora ta reconoce e balor di tempo y esfuerzo di nos trahadonan”.



Minister Croes a afirma, “ Nos ta comprometi cu sigui mehora e condicionnan laboral di nos trahadonan y esaki ta un muestra di nos dedicacion y esfuerzo semper luchando continuamente pa nos pueblo trahador”.

E obhetivo di e aumento aki no solamente ta pa duna un pago husto pa e cantidad di ora cu a traha, pero tambe pa fomenta un entorno laboral husto y productivo. E salario minimo pa ora ta permiti tur trahado, specialmente esunnan cu ta traha den mundo di Horeca, por ricibi un pago proporcional na su oranan real di trabou, reflehando di manera husto su dedicacion y esfuerzo.

13
september
2024

Minister
GLENBERT CROES
a Cumpli!

Salario Minimo pa Ora
ta drenta na vigor

1 di januari 2025



STABILIDAD
PROSPERIDAD
2024

GABINETE WEYER-CROES II



Gabinete Wever-Croes

Pa cada ciudadano di nos pais, Arte di Muraya na San Nicolas ta un recordatorio, cu hunto nos por cambia e ordinario den algo extraordinario. Laga nos admira e artenan aki cu curasonnan habri, permitiendo e beyesa di e murayanan activa nos imaginacion y inspira nos pa crea un pais mas colorido, bunita y conecta.

2024

AÑA DI STABILIDAD Y PROSPERIDAD